

**UNIVERSITY OF SARAJEVO
FACULTY OF SCIENCE**

Broj: 01/01-1659/4-2016
Sarajevo, 11.07.2016. godine

Zmaja od Bosne 33-35
Sarajevo
Bosnia and Herzegovina
Phone ++387 (0)33 723723
Fax ++387 (0)33 649359

Na osnovu člana 64. stav (1) tačka b), člana 70. st. 1., 3. i 6. Zakona o javnim nabavkama („Sl. glasnik BiH“, broj 39/14), na Preporuku Komisije za javnu nabavku broj: 01/01-1659/3-2016 od 11.07.2016. godine, u otvorenom postupku nabavke roba – Laboratorijska oprema LOT 1 - Rezervni dijelovi i dodatna oprema za Varian instrumente, Dekan Prirodno-matematičkog fakulteta Univerziteta u Sarajevu je donio

O D L U K U
o izboru najpovoljnijeg ponuđača
u otvorenom postupku za dostavu ponuda

Član 1.

Prihvata se Preporuka Komisije za nabavke, broj: 01/01-1659/3-2016 od 11.07.2016. godine i ugovor za nabavku roba – **Laboratorijska oprema LOT 1 - Rezervni dijelovi i dodatna oprema za Varian instrumente** dodjeljuje se ponuđaču **AlphaChrom d.o.o. Sarajevo**, za **ponuđenu cijenu 8.985,00 KM bez PDV-a**, kao najbolje ocijenjenom ponuđaču.

Član 2.

Prijedlog ugovora o nabavci dostavit će se na potpis izabranom ponuđaču **AlphaChrom d.o.o. Sarajevo**, po proteku roka od 15 dana, računajući od dana kad je ponuđač obaviješten o izboru najpovoljnije ponude.

Član 3.

Za izvršenje ove odluke zadužuje se i ovlašćuje Sekretarijat i Služba računovodstva Fakulteta.

Član 4.

Ova odluka objavit će se na web-stranici www.pmf.unsa.ba, istovremeno s upućivanjem ponuđaču koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 5.

Ova odluka stupa na snagu danom donošenja i dostavlja se ponuđaču koji je, kao jedini, učestvovali u postupku javne nabavke, shodno članu 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 01/01-1364/1-2016 od 01.06.2016. godine.

Javna nabavka je provedena putem otvorenog postupka za dostavu ponuda. Procijenjena vrijednost javne nabavke za Laboratorijsku opremu LOT 1 - Rezervni dijelovi i dodatna oprema za Varian instrumente bez PDV-a je 7.800,00 KM.

Obavijest o nabavci broj: 654-1-1-133-3-4/16 poslata je na objavu dana 01.06.2016. godine i istog dana je objavljen na Portalu javnih nabavki, a u Službenom glasniku BiH br. 41 objavljeno je 03.06.2016. godine.

Komisija za nabavku imenovana je Odlukom broj: 01/01-1364/2-2016 od 01.06.2016. godine.

Dana 11.07.2016. godine Komisija za nabavku dostavila je Zapisnik o pregledu i ocjeni ponuda kao i Izvještaj sa preporukom komisije o izboru najpovoljnijeg ponuđača za nabavku roba - Laboratorijska oprema za LOT 1 - Rezervni dijelovi i dodatna oprema za Varian instrumente.

Komisija je konstatovala da ponuđena cijena nabavke ponuđača AlphaChrom d.o.o. Sarajevo prelazi iznos predviđen Planom nabavki za 2016. godinu. U skladu sa mišljenjem Agencije za javne nabavke Bosne i Hercegovine od 23.09.2015. godine broj: 04-02-1-3274-1/15 u kojem stoji: „u situaciji kada cijena najniže ponude prekoračuje proračun, postoje dva jednako raspoloživa izbora: da se poveća proračun i dodijeli ugovor ili ukoliko je to nemoguće, postupak se poništava“. Pozivajući se na navedeno, a na osnovu saglasnosti prof. dr Senade Kalabušić, prodekanice za opće i finansijske poslove, obaveza je Šefice računovodstva Fakulteta da strogo vodi računa o prilagođavanju budžeta za predviđenu nabavku, čime su se stekli uslovi za donošenje odluke o izboru najpovoljnijeg ponuđača i daljnje postupanje.

Utvrđeno je da je Komisija za nabavku blagovremeno i pravilno izvršila otvaranje ponude i ocjenu prispjele ponude, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda: jedna;
- da je blagovremeno zaprimljena jedna ponuda i da je ponuđač AlphaChrom d.o.o. Sarajevo kvalifikovan i da je ponuda u skladu sa tenderskom dokumentacijom.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz Tenderske dokumentacije.

U postupku ocjene provedenog postupka, dekan Prirodno-matematičkog fakulteta Univerziteta u Sarajevu nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Prema Izvještaju Komisije, broj: 01/01-1659/3-2016 od 11.07.2016. godine, navedena ponuda ispunjava uslove u skladu sa tenderskom dokumentacijom otvorenog postupka i smatra se prihvatljivom, te je na osnovu toga sačinjena rang lista, u kojoj je kao jedina pristigla, prihvatljiva i najpovoljnija ponuda:

Rang lista ponuđača

R.br.	Naziv/ime ponuđača	Ponuđena cijena (bez PDV-a)
1.	AlphaChrom d.o.o Sarajevo	8.985,00 KM

Shodno navedenom, Komisija je prema utvrđenom kriteriju najniže cijene dala preporuku da se u predmetu nabavke **Laboratorijska oprema - LOT 1 Rezervni dijelovi i dodatna oprema za Varian instrumente** donese **Odluka o dodjeli ugovora ponuđaču AlphaChrom d.o.o. Sarajevo**, čija cijena ponude iznosi 8.985,00 KM.

Uzimajući u obzir naprijed navedeno, primjenom člana 64. stava (1) tačka b) Zakona o javnim nabavkama, odlučeno je kao u dispozitivu.

Dokaze o kvalifikaciji izabranog ponuđača, isti je dužan dostaviti u roku od 6 (šest) dana od dana dostavljanja Odluke o izboru najpovoljnijeg ponuđača.

Pouka o pravnom lijeku:

Protiv ove odluke može ce izjaviti žalba, najkasnije u roku od 10 (deset) dana od dana prijema ove odluke.

DEKAN FAKULTETA

Prof. dr Rifat Škrijelj

Dostaviti:

- Ponuđaču: AlphaChrom d.o.o. Sarajevo
- Dosije nabavki
- a/a